



Spektakulêre Stories vir Nuuskierige Kinders

'n Amptelike Verklaring
Oor Meerminne



Ons leef in 'n wonderlike wêreld. Ons kan oor lang afstande vlieg – selfs sonder vlerke. Ons kan vir ure onder water bly – selfs sonder kieuë. Ons kan ons lewens verleng met medisyne en gesonde kos. Maar wat sou hierdie aarde van ons werklik magies maak?



Om bewys te vind van feetjies, eenhorings, meerminne of ander mitiese wesens.

Toe *Animal Planet* 'n film uitgesaai het wat soos 'n dokumentêr aangebied is, getiteld Meerminne: Die Liggaam Gevind, en toe 'n jaar later Meerminne: Die Nuwe Bewyse, het almal wild gegaan, want hierdie programme het beweer daar is bewyse dat meerminne regtig bestaan!



Ongelukkig was dit nie waar nie. Alhoewel die fliks deur miljoene kykers gesien is, het die meeste van hulle die vrywaring aan die begin gemis (wat vir minder as 'n minuut gewys is), waarin verduidelik is dat die program wat volg bloot wetenskapfiksie is, gebaseer op 'n wetenskaplike teorie.



Hulle het hul “bevindinge” gebaseer op die sogenaamde Wateraap-teorie, wat presies is wat dit klink. Hierdie omstrede teorie stel voor dat sommige van ons voorouers op so ’n manier ontwikkel het dat dit vir hulle moontlik was om al meer tyd onder water deur te bring.



Uiteindelik het hulle hul bene vir 'n visstert verruil – alles uit noodsaak om kos te vind. Terwyl die meeste van ons voorouers van die water af wegbeweeg het, het hierdie groep net dieper gegaan en uiteindelik volwaardige inwoners van die oseaan geword.



Die eerste video het begin met 'n vermeende meerminswaarneming in 2009, toe iemand 'n korrelrige selfoonvideo geneem het van 'n meerminagtige wese wat op die rotse gesit het voordat dit vinnig terug die water ingesluip het.



Wat gevolg het in die eerste en tweede video's was onderhoude met bioloë en ander wetenskaplikes, sowel as onderwater video materiaal, met wat na werklike beeldmateriaal van lewende meerminne gelyk het!



Dit was ongelooflik en het só eg gelyk dat jy dit nie vir 'n enkele oomblik sou betwyfel nie. Die hele wêreld het dit glo, sluk, sinker en hoek.



Soos jy kan voorstel, het die internet ontplof. Mense was uit hul vel van opgewondenheid! Dit het gelyk asof die hele wêreld – jonk en oud – net gewag het op definitiewe bewyse van meerminne. Maar soos die opwinding toegeneem het, moes 'n amptelike verduideliking vrygestel word.



Die uitvoerende vervaardiger van die program het
verduidelik hoekom hulle hierdie voorgee-dokumentêr
gemaak het:

“Ons wou hê mense moes die storie met ’n gevoel van
moontlikheid en verwondering benader.”



Die Nasionale Oseaniese en Atmosferiese Administrasie het 'n amptelike verklaring op hul webwerf uitgereik (net vir ingeval):

“Meerminne: Die Nuwe Bewyse is slegs vermaak. Geen bewyse van akwatiese mensagtige wesens is nog ooit gevind nie.”

Tog, moenie dat dit jou geloof demp nie. As meerminne werklik bestaan het, sou hulle in elk geval nie deur mense gevind wíl word nie – of hoe?





THINK

DIGITAL ACADEMY